


ISLAMONLINE.UZ

adabiyot



Фитрат. Юрт қайғуси



Онам! Сени куткармок учун жонми керакдир?
Номусми, виждон била имонми керакдир?
Темур била Чингиз кони тошди томиримиздан,
Айтгил! Сени куткармок учун конми керакдир?
Ёв сукгали келгач киличини юрагингга,
Туш олдига, ол кўксуми - калконми керакдир?
Бок, бок, мана турк тенгизи тошкун кила колди,
Турон ёвини кувгали тўфонми керакдир?

Турон, йигитинг, барчага бок, калкди оёкга,
Юртда коровул кўйгали арслонми керакдир?

ЮРТ КАЙГУСИ **(Сочма)**

Эй Улуг Турон, арслонлар ўлкаси!
Сенга не бўлди? Холинг калайдир? Нечук кунларга колдинг?
Эй Чингизларнинг, Темурларнинг, Ўгузларнинг, Отиллаларнинг шонли бешиклари! Кани у
чикдигинг юксак ўринлар? Куллик чуқурларига недан тушдинг?!
Дунёни «урхо»лари билан титраткан йўлбарс юракли болаларинг кани? Ер тупрогини
кўкларга учиратурган тоғ гавдали ўғлонларинг кани? Нечун товушлари чикмайдир?
Ер юзининг бир неча полвонлари бўлган ботир туркларинг кани? Нечун чекиндилар?
Нечун кетдилар? Кураш майдонларини ўзгаларга нечун кўйдилар? Нечун... Нечун...
нечун..? Гапур менга, эй Улуг Турон, арслонлар ўлкаси! Сенга не бўлди?!
Ер юзининг буюк салтанатларини сен курмадингми? Хиндистоннинг, Эроннинг,
Оврўпанинг улуг хоконларини сен юбормадингми? Эй хоконлар ўчоги! Эй кахрамонлар
тугойи! Кани у чакмок чакишли ботир хоконларинг? Кани аввалги ўк юрушли, отли
бекларинг? Нечун «урхо»ларинг эшитилмайдир?
Дунё халқини бўйсундирган салтанатларинг нечун бузилди? Инсонлик оламини
канотлари остига олган хо-конлигинг нечун кучи ўлди? Кучингми кегди? Кимсасизми
колди?
Йўк... йўк... Тангри хакки учун йўк!.. Сен кучсиз эмассан, сен кимсасиз эмассан! Бугун ер
юзиди саксон миллион боланг бор. Буларнинг томирларидаги кон чингизларнинг,
темурларнинг конидир. Буларнинг кучла-ри сенинг кучингдир!
Эй Улуг Турон, арслонлар ўлкаси!
Кайгурма! Эски давлатинг, эски салтанатинг, эски йигитларинг, эски арслонларинг
хаммаси бор, ҳеч бири йўколмашидир.
Ёлғиз... Ох, ёлғиз... таркалмишидир.

ЮРТ КАЙГУСИ **(бир ўзбек тилидан)**

Ётсам тушумда, уйгонсам ёнимда, кўз юмсам миямда, кўз очсам каршумда мунгли бир
хаёл келиб турадур! Бу бир хотун хаёли... Бир хотунки, эғнида ипакли, лекин йиртик ва
эски бир кўйлақдан бошка бир кийими йўк. Бошаёғлари ялангоч, тирсақларигача
коп-кора лойкадаи ботган, бакирурга товуши, кутилурга кучи колмаган!..
Карайман: кимсасизлик юкиндан оригланган танда золимона урулган камчиларнинг

яраси бор. Кўраман: жохилона килинган эмлардан носулга кайтган яралариндан конлар
окиб турадур!..

Эй мунгли хотун, сен кимсан?

Эй гамли она, нечук мундан айрилмайсан?

Ёнимда, кўзимда, миямда, юрагимда нима ахтарасан, нечук кетмайсан?

Кайгу тутунлари ичра ёгдусиз колган кўзларинг, у ёш ёмгурларин нечун тўкадир? Зулм
занжирлари билан боғланган кўлларинг нечун хар ёнга узатиладир, нима тилайсан?..

Ох... Билдим... билдим... Англадим!

Сен менинг Ватанимсан, Ватанимнинг мунгли хаёлисан

Эй мукаддас Туронимнинг хаёли, кетмай тур, айрилма.

Ёнимда, кўзларимда, юрагимда, виждонимда кол, кетма.

Туроним, сендан айрилмок - менинг учун ўлимим.

Сенинг учун ўлмок - менинг тириклигимдир.

Панохим, саждагохим, умидим!

Ёвларинг сени шу кунгами солдилар?

Тилагим, истагим, саодатим!

Болаларинг сени шу холдами кўйдилар?

Суйунчим, овунчогим, ўчогим!

Золимлар сени кимсасизми кўрдилар?

Иўк, сен кимсасиз эмассан. Мана мен, бутун борлигим билан сенга кўмак килурга хозир.

Мана мен чин кўнгил билан сенинг йўлингда ўлурга рози.

Коф тоглари йўлимда тушса,

Тамуг оловлари карптумдан чикса,

яна сен сари кетарман.

Устимга инсонлар эмас, шайтонлар кўшини келса,

Оёгимга занжирлар эмас, жаханнам илонлари сорилса

яна сен сари кетарман.

Дунёнинг бутун балолари бошимга гўкулса,

Зулм чўлининг темир тиконлари кўзларимга кирса, яна сени куткарарман.

Мен сенинг учун тирилдим,

Сенинг учун яшарман,

Сенинг учун ўлурман.

Эй туркликнинг мукаддас ўчоги!

Улим сенинг ўлимингни истаганларга,

Нафрат сени кўмгапи келганларга!

ЮРТ КАЙГУСИ **(Темур олдинда)**

Баграм ёник, юзим кора, кўнглим синик, бўйним букук.

Сенинг зиёратингга келдим, султоним!

Эзилган бошим, кисилган виждоним, куйган коним, ўртанган жоним учун бу саганангдан

даво излаб келдим, хоконим!

Юз йиллардан бери жафо кўруб, гам чекиб келган туркнинг конли кўз ёшларин
этакларингга тўкарга келдим.

Коронгуликлар ичра ёгдусиз колган ўзбек кўзлари учун тупрогингдан сурма олгали
келдим.

Номусини бад кишиларнинг аёглари остинда кўриб турклик кони кайнагай, мусулмонлик
хамияти топтгай, тамуг оловлари каби сочрагай.

Лекин ўз кучсизлигин англаб кайтиб ўтирган ва кон йиглаган туркнинг холини айтарга
келдим, хоконим!

Улуг хоконим! Турклик шарафи таланди.

Турк учун кўйдигинг давлат битди, турк остига курдигинг хоконлик ёгийгами кетди.

Туркнинг номуси, эътибори, иймони, виждони золимларнинг аёглари остинда колди.

Туркнига юрти, улоги, ўчоги, Турони ёт кўлларга тушди.

Туркнинг билгиси, онги, ўйлови, зийраклиги жахолат ўлжасига кетди.

Сенинг киличинг билан дунё эгаси бўлган турк тинчгина бир ёток тополмай колди.

Сенинг кучинг билан дунё хўжаси бўлган турк карлук темурларига кирди.

Хоконим!

Туркликка хиёнат килганлар турк бўлсалар хам конларини окизмок сенинг мукаддас
одатингдир, ётма, тур!

Сенинг омонатингга хиёнат килганларни эз, ур, ўлдур!

Султоним!

Биламан, шу тобда сенинг у юксак ва улуг рухониятинг мен каби тубан рухди ва
химматсиз бир боласининг шу холига газабли кулуб турубдир.

Биламан, шу чоғда сенинг тўлкунли денгизларга ўхшаган юрагинг мен каби юраксиз бир
ўглингнинг шу кўринишиндан нафрат киладир.

Чунки юкорида айтдигим ишларнинг хаммасига ўзим сабаб бўлдим, барчасини ўзим
килдим,

Сенинг Туронингни ўзим талатдим,

Сенинг турклигингни ўзим эздирдим,

Сенинг омонатларингга хиёнат ўзим килдим.

Мен уч кунлик умримни тинчгина ётиб ўтказмокчи бўлмаса эдим, шуларнинг бирортаси
бўлмас эди.

Мен кўлимга топширдигинг килични ташлаб, чолгуни олмаса эдим, Туроним таланмас
эди!..

Мен ёлғиз конли кўз ёшларимни бу саганангга тўкмак учун эмас, ўз ёзикларимни икром
этарга келдим, хоконим.

Мени кўйма!

Мен ёлғиз ёзикларимни икром этарга эмас, Туронга бердигим зарарларни тўламок учун
келдим, ХОКОНИМ.

Мендан нафрат ётма!

Эй арслонлар арслони!

Меним ёзукларимдан ўт,

Мени кўлимни тут,

Белимни богла, мукаддас фотихангни бер!

Сенинг дунёга сигмаган гайратингга онт ичаманки, Туронинг эски шараф ва улуглигини
кайтармасдан бурун аёгларингда ўтирмасман.

ЮРТ КАЙГУСИ (Она билан ўгил)

- Она! Нечунгина йиглайсан? Бугун саодатга эришдик, яна кайгурасаими? Бугун ўз тилагингга етишдинг, кўз ёшларингни тўкадирсанми?

Эмди кайгурмок чоги битди, йигламок палласи йўк бўлди, рохат кунларинг етишди, онам! — Ох... ўглим, арслоним! Мустабид ҳукумат уйимни талатди: буюк биноларимни йикитди; суюкли ўглонларимни ўлдурди.

Тахаммул этдим, сабр килдим, кимсага бир огиз сўз бу тўгрида очмадим. Негаким, кўлларинда килич, ўмузларинда тўфанг, мани ўлдирмокка хозир эдилар. Дунёнинг мукофот эканлигин билган эдим.

Билар эдимки, бу золимлар бир кун килгон зулмларининг мукофотини кўрарлар.

Билардиму тўкилган конларнинг хар бир томчисидан бирор арслон яратилуб, бунларнинг конларини ичарлар.

Кўзлари кўр, кулоклари қар бўлиб оналарини тонимайдилар, юрагимни тешадирлар, бағримни парчалайдилар. Ўзларини тарбия қилиб етиштирган оналарини йўк бўлувига сабаб бўлдилар.

Ўйламас ўгилларим бутун бир кутимни ётларга талатиб, номусимни гайриларнинг оёғи остинда олдилар.

Бўйла оналарига душманликлари ўз бошларига стди, букун кўруб тургон мукофот у қилган зулмларига қарши эди.

Фитратнинг

"Танланган асарлар"идан, 1-жилд